


## Sheik usul Persisi anjur Kejohanan Dunia

Berita Harian, 5 October 1999, Page 15

 Article also available on Microfilm Reel NL21831

Printer-Friendly Page

## Sheik usul Persisi anjur Kejohanan Dunia

SILAT

OLEH YUSOFF A. RAHMAN

JIKA ada peluang dan sokongan, Singapura wajar menjadi tuan rumah Kejohanan Silat Dunia pada tahun depan.

Ia bukan sahaja meningkatkan profil sukan ini di Singapura, bahkan memberikan peluang kepada para penonton menyaksikan pesilat-pesilat setempat beraksi dengan jaguh-jaguh antarabangsa.

Ini adalah antara saranan yang akan dikemukakan oleh jurulatih nasional, Sheik Alauddin Yacoob, dalam mesyuarat Jabatan Persilatan malam ini.

Selain itu, Sheik juga

ingin ujian pemilihan skuad Singapura diadakan pada bulan depan dengan mengundang semua Perguruan Silat menghantar para pesilat yang berbakat mengikuti ujian tersebut.

"Sebenarnya saya pernah membangkitkan perkara ini dalam mesyuarat lalu tetapi saya berharap ia dapat difikirkan dengan lebih teliti lagi dalam mesyuarat kali ini," kata Sheik mengenai saranannya itu.

Beliau menarik perhatian bahawa Indonesia sepatutnya menjadi tuan rumah kejohanan dunia.

"Kami terpaksa menunggu kepulangan Setiausaha Persisi yang menghadiri mesyuarat Persekutuan

Menurut Sheik, masanya tepat untuk Singapura menyusuli kejayaannya memungut tiga pingat emas dalam Sukan SEA Brunei baru-baru ini, bagi meningkatkan profil sukan ini.

Menyentuh soal pemilihan pula, Sheik berkata adalah lebih wajar mengundang setiap Perguruan Silat menyertai ujian skuad nasional.

"Dulu, kami hanya mengundang para pesilat berdasarkan kedudukan tiga tempat utama dalam kejohanan nasional.

"Saya berpendapat dengan mengundang setiap perguruan, lebih ramai akan berpeluang mengikuti ujian tersebut," tambah Sheik.

**Sheik:** Usul bertujuan pertingkatkan lagi profil silat.

Silat Antarabangsa (Persilat) di Indonesia untuk mengetahui kedudukan negara itu sebagai tuan rumah.

"Sekiranya Indonesia setuju meneruskan rancangan menjadi tuan rumah maka Singapura pula boleh menimbangkan menganjurkan Kejohanan Undangan Sedunia, barangkali pada pertengahan tahun depan," Sheik memberitahu.

Antara pesilat negara yang berpotensi menjadi johan dunia termasuk Zulfakar Ramli, yang memenangi pingat emas dalam Sukan SEA.

Setiausaha Agung Persisi, Ajei Karmak, mewakili Singapura dalam mesyuarat Persilat di Jakarta itu.

